



Broj: 05-3696-6-2/18
Sarajevo, 01. 11. 2018. godine

Na osnovu člana 70. Zakona o javnim nabavkama („Službeni glasnik BiH“ broj 39/14, u nastavku: Zakon), preporuke Komisije za provođenje postupka nabavke usluga čišćenja iz Zapisnika o pregledu i ocjeni ponuda broj: 05-3696-6-1/18 od 01. 11. 2018. godine i člana 16. Statuta Agencije za bankarstvo Federacije BiH (“Službene novine Federacije BiH” broj 3/18), direktor Agencije za bankarstvo Federacije BiH donosi

ODLUKU **o poništenju postupka javne nabavke usluga**

I.

Prihvata se preporuka komisije za javnu nabavku iz Zapisnika o pregledu i ocjeni ponuda broj: 05-3696-6-1/18 od 01. 11. 2018. godine i poništava se Odluka o izboru najpovoljnijeg ponuđača broj: 05-3696-6/18 od 24. 10. 2018. godine.

Poništava se postupak javne nabavke usluga čišćenja poslovnih prostorija Agencije za bankarstvo Federacije BiH, s obzirom da jedini kvalificirani ponuđač “GTS” d.o.o. Sarajevo nije, u ostavljenom roku, dostavio kompletnu dokumentaciju iz člana 45. Zakona, a u konkretnom slučaju javne nabavke ne postoji mogućnost dodjele ugovora drugoplasiranom ponuđaču.

II.

Danom stupanja na snagu ove odluke, prestaje da važi Odluka o izboru najpovoljnijeg ponuđača u otvorenom postupku nabavke usluga, broj: 05-3696-6/18 od 24. 10. 2018. godine.

III.

U skladu s članom 70 stavom (6) Zakona Agencija za bankarstvo Federacije BiH objavit će ovu odluku na svojoj internetskoj stranici: www.fba.ba, istovremeno s upućivanjem iste ponuđačima koji su učestvovali u ovom postupku.

Obrazloženje

Odlukom o pokretanju postupka javne nabavke usluga čišćenja, broj: 05-3696/18 od 03. 10. 2018. godine, odobreno je provođenje postupka predmetne nabavke za potrebe ugovornog organa. Javna nabavka provedena je putem otvorenog postupka – rezervisani ugovori, a kriterij za dodjelu ugovora je najniža cijena tehnički zadovoljavajuće i prihvatljive ponude. U skladu s članom 35. Zakona, Obavještenje o nabavci, broj: 3010-1-2-285-3-43/18 od 03. 10. 2018. godine objavljeno je na Portalu javnih nabavki (ejn.gov.ba), te je u istom, u dijelu koji se odnosi na poglavlje III. Pravne, ekonomske i tehničke informacije, tačka 8 - rezervisani ugovori, navodeno da je ovaj postupak javne nabavke rezervisan samo za ponuđače koji zapošljavaju, u odnosu na ukupan broj zaposlenih, više od 50% lica s invaliditetom, a koji ne mogu obavljati poslove u normalnim uslovima. Sažetak obavještenja objavljen je u Službenom glasniku, broj: 71/2018 od 12. 10. 2018. godine.

U skladu s odlukom ugovornog organa imenovana je komisija za javne nabavke, kojom su definisane njene nadležnosti, koje uključuju poslove otvaranja, pregleda i ocjene ponuda, te davanje preporuke za odabir najpovoljnijeg ponuđača. Slijedom navedenog, komisija je u okviru svojih nadležnosti i

ovlaštenja provela predmetni postupak nabavke, te o tome sačinila Zapisnik o pregledu i ocjeni ponuda u kojem je konstatovano da su po predmetnom postupku nabavke pravovremeno pristigle tri ponude. Na osnovu izvršene analize i ocjene prispjele ponude u pogledu kvalifikacijskih i cjenovnih uslova nadmetanja, komisija je utvrdila:

- da je ponuda ponuđača „GTS“ d.o.o. jedina kvalifikovana i prihvatljiva, te da su dostavljeni svi traženi dokazi propisani Tenderskom dokumentacijom (u nastavku TD), na propisan način;

Na osnovu navedenog komisija zadužena za predmetni postupak, dala je preporuku direktnu ugovornog organa za zaključivanje okvirnog sporazuma s navedenim ponuđačem. Dana 24. 10. 2018. godine donesena je Odluka o izboru najpovoljnijeg ponuđača u otvorenom postupku nabavke usluga broj: 05-3696-6/18, koja je zaprimljena od strane svih ponuđača u predmetnom postupku dana 26. 10. 2018. godine.

Na osnovu odredbi poglavlja V. tačke g) TD propisano je da je izabrani ponuđač dužan dostaviti, originale ili ovjerene kopije dokumenata iz člana 45. tačke od a) do d) Zakona, s tim da datum izdavanja originala ne može biti stariji od 3 (tri) mjeseca od dana dostavljanja ponude i to u roku od 5 dana od dana prijema obavještenja o rezultatima postupka nabavke.

Obzirom da jedini kvalificirani ponuđač “GTS” d.o.o. Sarajevo nije, u ostavljenom roku, dostavio kompletnu dokumentaciju iz člana 45. Zakona, poništava se postupak javne nabavke jer u konkretnom slučaju shodno odredbama člana 72. stava (3) tačke a) Zakona ne postoji mogućnost dodjele ugovora drugoplasiranom ponuđaču.

POUKA O PRAVNOM LIJEKU:

Protiv ove odluke može se izjaviti žalba Ugovornom organu – Agenciji za bankarstvo Federacije BiH, najkasnije u roku od 10 (deset) dana od dana prijema ove odluke, saglasno članu 97. i 101. Zakona. Žalba se izjavljuje Uredu za razmatranje žalbi/Kancelariji za razmatranje žalbi – Filijala/Podružnica Mostar, putem Ugovornog organa, u pisanoj formi, direktno ili preporučenom poštanskom pošiljkom. Žalba se podnosi u najmanje 3 (tri) primjerka.



Dostaviti:

- svim učesnicima u postupku
- a.a.

